



PREGUNTAS FRECUENTES: Complemento de recoñecemento á excelencia curricular docente e investigadora.

1. ¿Quen pode solicitar o complemento de recoñecemento á excelencia curricular docente e investigadora?

Os profesores funcionarios e contratados doutores pertencentes ao Sistema Universitario de Galicia.

2. ¿Existe un período mínimo de actividade docente e/ou investigadora para poder solicitar este complemento?

SI. O solicitante debe ter recoñecidos dous quinquenios de docencia por parte das universidades públicas e un sexenio de investigación pola Comisión Nacional Evaluadora de la Actividad Investigadora (CNEAI), na data establecida en cada convocatoria.

3. ¿Cales son os prazos para a presentación das solicitudes?

O prazo para a presentación de solicitudes será o que se estableza na convocatoria e contarase dende o día seguinte ó da publicación da correspondente resolución no Diario Oficial de Galicia (DOG).

4. ¿Como se deben encher as solicitudes?

As solicitudes (instancia e anexo de méritos) **deberán** encherse en formato dixital nos modelos dispoñibles na aplicación informática da ACSUG (anexos III e IV), Poderá acceder a través da páxina web www.acsug.es/ACTUALIDADE ou CONVOCATORIAS ABERTAS

Unha vez cubertos os impresos (anexos III e IV) **xenéranse automáticamente** e só deberá imprimilos, asinalos e presentalos como se indica. Poderán presentarse na sede electrónica da Xunta de Galicia con domicilio <https://sede.xunta.es> e, de forma presencial, en calquera dos rexistros relacionados no artigo 38.4º da Lei 30/1992, de 26 de novembro, de réxime xurídico das administracións públicas e do procedemento administrativo común así coma nos rexistros de calquera das universidades integrantes do Sistema Universitario de Galicia.

5. ¿Cal é a documentación que debo aportar e como debo aportala?

Xunto cos impresos de instancia e méritos (anexos III e IV), e sempre que estes non fosen remitidos telematicamente a través da plataforma informática, deberá presentarse **en soporte dixital** (DVD, CD-ROM, lapis de memoria) a documentación que se relaciona a continuación:

- DNI ou documento equivalente, para o caso de non prestar autorización á ACSUG para consulta dos seus datos no sistema de verificación de datos de identidade de conformidade co disposto no Decreto 255/2008, do 23 de outubro (DOG do 13 de novembro).

- Documentación acreditativa dos citados méritos curriculares presentados.
- Documentación acreditativa, de selo caso, do desfrute de permiso por baixa maternal no período 2010-2014.
- Curriculum vitae completo en calquera dos formatos existentes (ANEP, Dirección Xeral I+ D, etc.)

A xustificación de cada mérito debe ser a necesaria para permitir avaliar axeitadamente a calidade do mérito achegado e dependerá do tipo de mérito que se achega.

6. As copias dixitalizadas da documentación que se aportan coa solicitude e anexo, ¿teñen que estar compulsadas?

Non é preciso que as copias que se presenten estean compulsadas. Ademais, na solicitude débese firmar unha declaración responsable da veracidade dos datos e de toda a documentación aportada asumindo, no caso contrario, as consecuencias que se deriven das inexactitudes que consten.

7. ¿Debo xustificar a concesión de quinquenios e sexenios e a valoración da actividade docente universitaria?

Non. Este é o único suposto no que as Universidades certificarán, a petición da ACSUG e a través da súa autorización expresa, que os datos reflectidos na solicitude son certos.

A diferencia doutras convocatorias, **a valoración da actividade docente universitaria SI debe xustificala** mediante certificado expedido pola súa universidade (a efectos de xustificación servirá tamén o obtido a través da secretaría virtual da Universidade correspondente)

8. ¿Como xunto a documentación de xeito telemático?

A aplicación informática conta cuns espazos habilitados para poder achegar os documentos:

| | | |
|-------------------------|----------------------|------------|
| Xustificante (max. 4M): | <input type="text"/> | Examinar.. |
|-------------------------|----------------------|------------|

Debe saber que cada documento pode ter **como moito unha capacidade de 4 MEGAS**, co cal, si o seu arquivo ten una capacidade superior deberá baixar a súa resolución ou non se achegará correctamente.

No momento de xerar os anexos III e IV comprobe que no borrador figuran reflectidos os nomes dos documentos dixitais que se remitiron telematicamente; no caso de que non aparezan, deben reenviarse telematicamente.

9. ¿Que anos se van avaliar en cada convocatoria?

Avaliaranse os méritos acadados durante os **últimos 5 anos** naturais PREVIOS A ESTA SOLICITUDE. Sen embargo, na primeira solicitude poderanse alegar tódolos quinquenios de méritos docentes e sexenios de méritos de investigación acadados ata ese momento de xeito que se consoliden na avaliación básica, para que en sucesivas convocatorias só teñan que alegarse os concedidos posteriormente.

10. ¿Que ocorre se durante o período avaliable gocei dun permiso maternal/paternal?

Neste caso, e sempre que se xustifique, poderanse incorporar méritos realizados nun período de idéntica duración ó do referido permiso e inmediatamente anterior ó período avaliado. Por exemplo: se gocei de catro meses de permiso por maternidade/paternidade, e me están tendo en conta os méritos quinquenais do período 2007-2011, poderei incorporar méritos realizados durante os meses de setembro a decembro do 2006.

11. ¿Cantos méritos e de que tipo se poden presentar?

Para realizar a avaliación adicional teranse en conta **un máximo de 6 méritos en cada un dos apartados**: docente e investigador . **Dentro deste último caso ademais, aplicarase un máximo de 4 méritos correspondentes ó apartado da actividade investigadora ou de transferencia e divulgación do coñecemento**. Terá que aportar méritos de ambos apartados con combinacións como 2+4, 3+3 ou 4+2. Na valoración final teranse en conta a calidade e a importancia dos méritos alegados, polo cal, nin a presentación de menos de 6 méritos supón unha avaliación negativa nin, a sensu contrario, a presentación máxima de 6 méritos en cada apartado implica a obtención da máxima puntuación.

Debe destacarse que cada mérito alegado estará constituído por unha soa achega (un curso, unha tese, un proxecto, ...), **excepto no caso da amplitude da docencia, enquisas e estadías**, nos que o mérito estará constituído pola totalidade da docencia impartida, enquisas ou estadías comprendidas no período avaliado.

12. Dos méritos que presento, ¿cómo podo coñecer os indicios de calidade que se van a ter en conta na avaliación e o seu modo de xustificación?

Poñemos á súa disposición unha **“Guía do solicitante”** coas características dos méritos que se valoran e o seu modo de xustificación. Atoparana na nosa Web.

13. ¿Cántos tramos poden obterse?

O número máximo de tramos será de **catorce**, dos cales, **nove** serán resultado da valoración básica e cinco da adicional.

14. No caso de concesión de avaliación positiva e asignación do complemento pola correspondente universidade, ¿debo volver solicitar o complemento en anos sucesivos?

Mientras que os tramos acadados na valoración básica son consolidables, os correspondentes á valoración adicional caducan ós cinco anos, polo que transcorrido dito período, período, deberá presentarse ***unha nova solicitude de avaliación, que substituirá, a todos os efectos, á anterior.***

15. ¿Teño que esperar obrigatoriamente cinco anos para poder presentarme a unha nova convocatoria destes complementos retributivos?

NON. Existe tamén a posibilidade de presentar unha nova solicitude de reavaliación, transcorridos un mínimo de 3 anos dende a obtención da anterior. Nese caso, será requisito indispensable a adquisición en dito período de novos méritos alegables como puntuación básica (é dicir, ter obtido un novo quinquenio de docencia ou un novo sexenio de investigación).

16. ¿Qué efectos ten o sometemento a unha reavaliación transcorridos tres ou catro anos dende a primeira convocatoria á que me presente?

a) En primeiro lugar, isto suporá someter todo o seu expediente a unha nova avaliación (básica e adicional).

b) Como consecuencia do anterior, deberá presentar os méritos que considere apropiados para ser avaliados (méritos docentes e méritos de investigación) pertencentes ao período de cinco anos que se recolle na convocatoria.

c) De non presentar ningún mérito relativo á valoración adicional pero sí á puntuación básica a ACSUG considerará, a tódolos efectos, que vostede esta solicitando unha reavaliación do seu expediente. Neste caso, sumará a puntuación correspondente na parte consolidable pero, a súa puntuación adicional será de **cero** puntos, perdendo polo tanto a puntuación adicional que lle fora outorgada na anterior convocatoria.

17. ¿Cándo me podo volver presentar tras unha reavaliación?

Se se presenta a unha reavaliación do expediente, comezará de novo o ciclo dos tres anos como mínimo ou cinco como máximo.